

Morning Regional Dogri News Bulletin,

26th April 2025 09-20 Hrs

Headlines

- प्रधानमंत्री नरेन्द्र मोदी होर अज्ज रोजगार मेले तैहत् जम्मू कश्मीर सनें देसै दे 51 जहार नोजवानें गी नौकरी दे नियुक्ति पत्र भेंट करगन।
- केन्द्र सरकार इस गल्ल गी पक्का करोग जे सिंधु नदी दा इक तोपा पानी बी पाकिस्तान गी नेई पुज्जै।
- उपराज्यपाल मनोज सिन्हा होरें सब्बने डिप्टी कमीशनरें ते एसएसपीएं कन्नै बैठक लाइयै इस गल्लै गी जकीनी बनाने दा निर्देश दित्ता ऐ जे गृह मंत्रालय दे फ़ैसले मूजब पाकिस्तानी नागरिकें गी वापस भेजना जकीनी बने।
- बांडीपोरा च आतंकवादिएं ते सुरक्षाबलें बश्कार टाक्करा होआ ऐ। सुरक्षाबलें दी कार्रवाई जारी ऐ।
- संयुक्त राष्ट्र नै पहलगाम च आतंकवादी हमले मगरा तनोतनी गी होर बधने थमां रोकने लेई भारत ते पाकिस्तान गी मते शा मता सबर रखने दी अपील कीती ऐ।

<><><><><><>

DC-Kishtwar(byte)

किश्तवाड़ दे डिप्टी कमीशनर राजेश कुमार शवन होरें एसएसपी किश्तवाड़ नरेश सिंह हुंदे कन्नै किश्तवाड़ च चिनाह दरेया पर बनी दी पक्कल दल पनबिजली परियोजना थाहरै दा दौरा कीता तां जे जमीनी सुरक्षा इंतजामें दा जायजा लैता जाई सकै। विशेष रूपे कन्नै इस दौरे दा महत्व होर बधी गेआ ऐ की जे भारत ते पहलगाम आतंकी हमले दे परेंत पाकिस्तान दे कन्नै सिंधु जल संधि गी मुंतकिल करी दित्ता ऐ। इस बारे होर जानकारी देआ'रदे न साढ़े किश्तवाड़ जिला संवाददाता

<><><><><><>

CM-JK People(byte)

मुख्यमंत्री उमर अब्दुल्ला होरें जम्मू कश्मीर दी खेत्तरी सीमाएं शा परे अपने लोकें दे कल्याण आस्तै प्रशासन दी वचनबद्धता गी पही पक्का कीता। खेत्तर दे बाहर कश्मीरी विद्यार्थिएं ते बपारिं दे उत्पीड़न पर चिंताएं गी

संबोधत करदे होईं उनें आखेआ जे उनें केन्द्री गृहमंत्री अमित शाह हुंदे कन्नै कीती ऐ, जिनें लाजमी सुरक्षा उपाएं दा भरोसा दोआया ऐ। मीडिया कर्मिं कन्नै गल्ल करदे होईं मुखमंत्री उमर अब्दुल्ला होरें आखेआ

<><><><><><>

CM-Tourism(byte)

पहलगाम च होए दे आतंकी हमले दे बाद मुखमंत्री उमर अब्दुल्ला हुंदी कल श्रीनगर च बपारिं ते सैलसफा कन्नै जुड़े दे होरने प्रतिनिधिं कन्नै लग्गी दी बैठक च इस आतंकी हमले च मारे गेदे 26 लोकें लेईं इक मिनट दा मौन रखेआ गेआ। मीटिंग च मुखमंत्री होरें आतंकी हमले दी सख्त निंदेया करदे होईं घाटी दे लोकें आस्सेआ दस्सी गेदी एकता दी सराहना कीती ते आखेआ जे आतंकी हमले दे खलाफ इक जुट्टता समाज च डर, नफरत ते बड्डे पैमाने आलिं ताकतें लेईं इक सख्त सनेया ऐ। उनें माली सरोकारें कोला उप्पर इकजुट्टता गी तरजीह देने लेईं बपारिक समुदाय दी सराहना करदे होईं आखेआ...

तोआईं महाराष्ट्र दे टूर ते ट्रेवल आपरेअरें सैयद आदिल हुसैन दे परोआर गी लम्मी अवधि तोड़ी समर्थन दा अहद कीता ऐ, जिन्ने इस हमले दरान सैलानिं गी बचाने दे चक्करै च अपनी जान मोहाईं दित्ती। बपारिं दे संगठनें नै लोकें कन्नै इकजुट्टता जाही करदे होईं आखेआ जे कश्मीर लेईं कुसै यात्रा दौरे गी रद्द नेईं कीता जाग।

<><><><><><>

LG-Meet

उपराज्यपाल मनोज सिन्हा होरें सब्बने डिप्टी कमीशनरें ते एसएसपीं गी निर्देश दित्ता ऐ जे ओह केन्द्री गृह मंत्रालय दे निर्देशें साब्वे इत्थें आए दे पाकिस्तानी नागरिकें गी वापस भेजने लेईं लोडचदी कारवाई करन। जियां जे पैहले बी खबर दित्ती जाईं चुकी दी ऐ जे मंत्रालय नै डाक्टरी, अधिकारिक ते लम्मी अवधि आले वीजें गी छोड़ियै पाकिस्तानी नागरिकें दे सारे मजूदा विजे रद्द करी दित्ते दे न ते उंदी मयाद 27 अप्रैल तगर गै मन्नी जाग। पाकिस्तानी नागरिकें गी दित्ते गेदे मैडिकल वीजें बी 29 अप्रैल 2025 तगर गै वैध मन्ने जांगन। उपराज्यपाल होरें अधिकारिं गी जोर देइयै आखेआ जे गृह मंत्रालय दे दिशा-निर्देशें ते पिछली मीटिंग च चर्चा कीते गेदे सुरक्षा नियमें ते होरने निर्देशें दी सख्ती नै पालमा कीती जा।

<><><><><><>

PM-Rozgar Mela(byte)

प्रधानमंत्री नरेन्द्र मोदी होरें अज्ज बक्ख-बक्ख सरकारी विभागें ते संगठनें लेई नमें 51 जहार शा मते नोजवानें गी नियुक्ति पत्र सौंपगंन। मोदी होर इस मौके उप्पर वीडियो कांफ्रेंसिंग राएं लोकें गी संबोधत करगंन। रोजगार दे बाद्दू मौके पैदा करने गी प्राथमिकता देने दी प्रधानमंत्री हुंदी वचनबद्धता गी दिक्खदे होई एह 15मां रोजगार मेला देश दी 47 थाहरें उप्पर आयोजत होआ'रदा ऐ। एहदे राएं नोजवानें दे सशक्तिकरण ते राष्ट्र दे विकास च प्रभावी योगदान दा सार्थक मौका थ्होग। नमें नियुक्ति नोजवान केन्द्र सरकार दे बक्ख-बक्ख मंत्रालयें ते विभागें च कम्म करगंन। पेश ऐ इस बारे एह

<><><><><><>

DC Jammu Education

गलिएं च फिरने आले गरीब ते बेसहारा बच्चे दी मदद आस्तै इक सक्रिय कोशश च जम्मू दे डिप्टी कमीशनर सचिन कुमार वैश्य होरें हाल च गै सरकारी स्कूलें च दाखल 83 बचाए गेदे रेहड़ी-पटरी आले बच्चे गी दित्ती जा'रदी शिक्षा दी समीक्षा कीती। डिप्टी कमीशनर होरें बच्चे दी प्रगति ते उंदी जरूरतें बारे अध्यापकें कन्नै चर्चा कीती। समीखा दा मकसद एह निश्चित करना हा जे बच्चे गुणवत्तपूर्ण शिक्षा हासल करा दे न ते उंदा पूरा पराता विकास होआ'रदा ऐ।

<><><><><><>

Dy CM Maharashtra Visit

पहलगाम च दर्दनाक आजंकी हमले गी दिक्खदे होई जम्मू कश्मीर सरकार केन्द्र शासत प्रदेश दे बाहर रौहने आले अपने नागरिकें कन्ने जुड़ने आस्तै इक सक्रिय गैह पुट्टा दी ऐ। एहदे हिस्से दे रूपै च उपमुख्यमंत्री सुरिन्दर चौधरी होरें अज्ज मुंबई दा दौरा करगंन ते विद्यार्थिएं, कारोबारिएं ते वर्तमान च महाराष्ट्र च रौहने आले जम्मू कश्मीर दे लोकें कन्नै निजी तौरा पर गल्लबात करगंन। उपमुख्यमंत्री हुंदी इस यात्रा दा मकसद सुरक्षा ते इक जुट्टता दी भावना पैदा करना ऐ। इच्छुक व्यक्ति जां समूह उपमुख्यमंत्री हुंदे कन्नै बैठक लाने आस्तै उंदे अतिरिक्त पी.आर.ओ विकास सेठी हुंदे कन्नै 7780926074 जां फही 9622491579 पर संपर्क करी सकदे न।

<><><><><><>

Indus Water

केन्द्र जल शक्ति मंत्री सी.आर.पाहटल होरें पाकिस्तान कन्नै 1950 दे सिंधु जल समझौता रोके जाने दे महत्वै पर जोर

<><><><><><>